

元遺山詩注

冊四

元遺山詩集箋注卷九

烏程

施國祁北研箋

蔣

炳枕山校

七言律詩

望崧少二首

崧少飛來岷閬山
山家茅屋翠微間
雞豚鄉社相勞苦
花木禪房時往還
結習尙餘三宿戀
殘年多負半生閑
長河一葦人千里
望斷西城碧玉環

結習

維摩經語
見傳燈錄

三宿

後漢襄楷傳浮屠不三宿桑
下不欲久生恩愛精之至也

飲鶴池邊萬木稠
養龍崖上五峯秋
藤垂絕壁雲添潤
澗落哀湍雪共流
田父占年驚玉旆
詩仙留迹歎岷丘
西風落日山陽道
空對紅塵憶舊遊

飲鶴

池在縹山養龍
崖在五乳峯下

岷邱

中州集王渥詩後附仙人詩有句云陽燧非無角綺傳元鼎以來虛岷邱

懷州子城晚望少室

河外青山展臥屏并州孤客倚高城十年舊隱拋
何處一片傷心畫不成谷口暮雲知鄭重林梢殘
照故分明洛陽見說兵猶滿半夜悲歌意未平

一片

高蟾金陵詩句

別覃懷幕府諸君二首

本集三十四卷清真觀記房志起自覃懷來介

于幕府諸君
二云亦是

王後盧前舊往還江東渭北此追攀百年人物存
公論四海虛名只汗顏詩酒聊堪慰華髮衡茅終
擬共青山相思後日并州夢常在瑤林照映間

王後

唐書楊炯傳我恥居王後魏在盧前

江東

杜甫詩渭北春天樹江東日暮雲

太行醲秀在山陽嵇阮經行舊有鄉林影池煙設

清供物華天寶借餘光承平故事嗟猶在雅詠風
流豈易忘稍待秋風入涼冷百壺吾欲醉籌堂

河內

有七賢鄉

羊腸坂

北史崔廓傳子蹟大業四年從駕往太山詔問蹟何處有羊腸坂答曰臣按漢書地理志

上黨壺關有羊腸坂帝曰非也又曰臣按皇甫士安地書太原北九十里羊腸坂曰是也

浩蕩雲山直北看凌兢羸馬不勝鞍老來行路先
愁遠貧裏辭家更覺難衣上風沙歎憔悴夢中燈
火憶團圞憑誰爲報東州信今在羊腸百八盤

高平道中望陵川二首

此縣先隴城府君泰和中舊治○地志河東南

路澤州高平縣陵川縣○本集三十七卷南冠錄引余生七月出繼叔氏隴城府君

列宿澄明墨綬尊中臺良選到名門來時珥筆誇
健訟去日攀車餘淚痕一片青山幾今昔百年華
屋記生存泰和遺老今誰在向道甘棠有子孫

列宿晉天文志郎官上應列宿華屋晉謝安傳生存處華屋零落歸山丘

鈴閣文書到酒卮諸曹小吏亦抄詩座中佳客無

虛日簾下歌童盡雅辭棠棣有花移舊巧櫻桃和

露韞繁枝書郎零落頭今白腸斷荷衣出拜時棠棣

櫻桃皆當時事

棠棣續夷堅志先人宰陵川泰和甲子元夕縣學燒燈有以杏棣棠枯枝為剪綵花者燈罷家僮乞之供于縣署佛

屋中四月十七夜先夫人焚誦次乃見棠棣皆作花真贗相半先人會賓示之以為文字之祥因賦瑞花詩余年始十五矣

荷衣幽閑鼓吹李賀七歲能詞章韓愈皇甫湜聯騎造門賀總角荷衣而出賦高軒過下筆立成

野谷道中懷昭禪師湛然集用韻答昭禪師詩云銀鈎全似趙周臣詩比

黃華格調新道眼點開言外句禪心說破劫前塵山中跛挈無為客林下逍遙自在人不犯清波垂釣處

臥龍隨手出龍津○本集三十七卷語錄引

行行汾沁欲分疆漸喜人聲挾兩鄉野谷青山空

自繞金城白塔已相望湯翻豆餅銀絲滑油點茶

心雪藥香說向阿師應被笑人生生處果難忘

太原

地志河東北
路太原府

夢裏鄉關春復秋眼明今得見并州古來全晉非
無策亂後清汾空自流南渡衣冠幾人在西山薇
蕨此生休十年弄筆文昌府爭信中朝有楚囚

眼明

韓愈詩潁水
崧山刮眼明

外家南寺

在至孝社子兒時讀書處也○舊唐書張
道源傳并州祁縣人以孝聞縣令改其居

爲復禮鄉至孝里案先生母張夫人或卽其裔耶○
本集四十卷有別業上梁文新樂府有外家種德堂

浣溪
沙詞

鬱鬱秋梧動晚煙一庭風露覺秋偏眼中高岸移
深谷愁裏殘陽更亂蟬去國衣冠有今日外家梨
栗記當年白頭來往人間徧依舊僧窗借榻眠

追賦定襄周帥夢卿家秋日牡丹

千古吳中富貴家秋風吹送洛陽花真妃鏡裏春
難老玉女車邊日易斜紀瑞定誰增舊譜換根元
自有靈砂來遲不及西堂宴猶想分香入棣華

棣華堂

玉女車

劉禹錫玉蕊花詩玉女來看玉樹花異香先引

棣

華

新樂府有周帥棣華堂紫牡丹朝中措詞

桐川與仁卿飲

敬齋古今難云向寓寧縣之桐川嘗與李鼎之和論性命又焦集賢

文集序云先生北渡隱寧山之桐川聚書環堵中閉門卻掃以涵泳先王之道為樂雖飢寒不恤也

蕭蕭茅屋繞清灣四面雲開碧玉環已分故人成
死別寧知尊酒對生還風流豈落正始後詩卷長
留天地間海內斯文君未老不須辛苦賦囚山

風流二句

又見後無盡藏詩

正始

晉衛玠傳謝鯤雅重玠相見忻然王敦語鯤曰不意永嘉之末

復聞正始之音案

詩卷

少陵

囚山

柳宗元有囚山賦

過濁鹿城與趙尚賓談山陽舊事

地志河東南路懷州

修武縣有濁鹿城○秋澗集河內修武縣重修廟學記如近代進士張夢弼郭黻張袞祁文秉趙尚賓文采風流照映一時云

廢邑蕭條落照邊山陽遺迹世空傳肺腸未潰猶可活灰土已寒寧復然負鼎運來元有力考槃人去更堪憐因君憶得曹瞞事銅雀臺荒又幾年

官園探梅同康顯之

本集三十卷宣武表府學教授康侯顯之三十二卷

東平新學記署鄉先生康侯儒林祭酒並是案顯之高唐州人有淡軒文集

柳麥榆椒寂寞邊儘饒梅事得春偏留殘瘦骨猶堪畫未展幽香已可憐千里移根自何許數枝臨水記當年開時重約花前醉試手東風第一篇

柳麥

馮延登春雨詩已見鵝黃勻柳麥更看檀紫上榆椒

十二月十六日還冠氏十八日夜雪

少日騫飛掣臂鷹只今癡鈍似秋蠅耽書業力貧
猶在涉世筋骸老不勝千里關河高骨馬四更風
雪短檠燈一餅一鉢平生了慚愧南窗打睡僧

臂鷹

朝野僉載蘇味道王方慶同爲鳳閣侍郎或問張元一
二子孰賢答曰蘇如九月得霜鷹王如十月被凍蠅問

其故曰得霜鷹俊
捷被凍蠅頑鈍

餅鉢

貫休詩一餅一鉢垂垂
老萬水千山得得來

別康顯之

玉川文字五千卷鄭監才名四十年誰謂華高吾
豈敢耻居王後子當然河亭笑語歸陳迹里社追
隨失後緣後夜并州月千里南窗尊酒且流連

玉川

盧仝詩三椀搜枯腸
惟有文字五千卷

寄楊飛卿

本集三十七卷
有陶然集序

客夢悠悠信轉蓬藜牀殷殷動晨鐘西風白髮三
千丈故國青山一萬重沙水有情留過雁乾坤多

事泣秋蟲三間老屋知何處慚愧雲間陸士龍

三千丈

李白詩白髮三千丈緣愁如許長

雨夜

夢裏孤蓬雨打秋茅齋元更小於舟無錢正坐詩
作崇識字重爲時所讐千里謾思黃鵠舉六年真
作賈胡留并州北望山無數一夜砧聲人白頭

東平送張聖與北行

天山曾望使車還官柳青青此重攀去國衣冠元
易感中年親友更相關籛雲自可無千里隱霧難
教見一斑海內文章在公等

兼謂李主簿仁卿

不應空老道

途間

籛雲

漢書禮樂志天馬歌籛浮雲晚上池

別張御史

特立字文舉○史本傳
正大四年拜監察御史

晚學天教及老成翰林詩裏羨鴻冥

馮內翰文贈御史詩有鴻冥維

媒之句

簞瓢此日歸顏巷銅墨當時動漢庭華袞謾

勞紆直筆

御史見貽之作過有褒拂

絳帷無復與橫經祗應千里

并州道常並虛危候德星

銅墨

漢官儀邑宰銅章墨綬秩六百石

華袞

穀梁序一字之褒榮于華袞

出東平

老馬凌兢引席車高城回首一長嗟市聲浩浩如欲沸世路悠悠殊未涯潦倒本無明日計往來空置六年家東園花柳西湖水剩著新詩到處誇

東園

案園在東平十卷有晚眺探梅詩

西湖

案湖即濟南之大明湖

再到新衛

地志河北西路衛州河平軍大定二十六年以避河患徙于共城二十八年復舊治

貞祐二年七月城宜邨三年五月徙治于宜邨新城以昨城為倚郭正大八年以石登其城○高霖傳貞祐二年為都水監請城宜邨為衛州以護北門上從之○白撒傳正大九年正月壬辰棄衛州運守具入

京初大兵破衛州宣宗南遷移州治于宜邨渡築新城于河北岸去河不數武惟北面受敵而以石包之歲屯重兵于此大兵屢至不能近至是棄之遂爲大兵所據○五行志宣宗貞祐元年時衛州有童謠云團圞冬劈半年寒食節沒人烟明年正月元兵破衛州遂邱墟矣又正大七年十二月新衛州北三里許有影在沙上如舊衛州城狀寺塔宛然數日乃滅○元史槩直脂魯華傳金宣宗之徙都于汴也立河平軍于新衛以自固特爲北門○郭侃傳壬辰金將白撒復取衛州侃拒之破其兵四萬于新衛州

蝗旱相仍歲已荒伶俜十口值還鄉空令姓字喧時輩不救飢寒趨路傍行帳馬嘶塵瀕洞空邨人去雨淋浪河平千里筋骸盡更欲驅車上太行

行帳

遼營衛志牙帳以槍爲硬塞用毛繩連繫以莖衛士風雪

別冠氏諸人

戊戌秋八月初二日

東舍茶渾酒味新西城紅豔杏園春衣冠會集今爲盛里社追隨分更親分手共傷千里別低眉常愧六年貧他時細數平原客看到還鄉第幾人

杏園

卽紀子正家

入濟源寓舍

戊戌八月二十二日

未辦驅車上太行主人留此避風霜
遺編墜簡文章爛糲食麤衣歲月長
奮迅舊嫌扶老杖龍鍾今屬負暄牆
睡中刺刺聞人語季子金多過洛陽

負暄牆

杜甫詩杖藜尋巷晚炙背近牆暄

鎮平縣齋感懷

嘉靖河南志南陽府七十里爲鎮平縣東至南陽縣界四十里西至

內鄉縣界五十里南至鄧州界四十里北至南陽縣界五十里○史完顏合達傳楊沃衍東還會大軍于鎮平元史地志南陽府金升爲申州有南陽鎮平二縣續夷堅志王叟陰德云予在鎮平日嘗過其家案地志鄧州文下闕載升州立縣事當補別詳二十卷夾谷碑○本集十一卷有覓酒寄筆書事寄家四詩新樂府有罷鎮平歸西山草堂清平樂詞

四十頭顱半白生靜中身世兩關情
書空咄咄知誰解擊缶嗚嗚卻自驚
老計漸思乘欸段壯懷空

擬謾崢嶸西窗一夕無人語挑盡寒燈坐不明

頭顱

蘇軾詩四十
豈不知頭顱

咄咄

晉殷浩傳浩被黜放口無怨言
但終日書空作咄咄怪事而已

鳴

漢楊惲傳報孫會宗書酒酣
耳熱仰天拊缶而呼烏烏

野菊再奉座主閑閑公命作

前八卷有
野菊詩

晚景蕭疎畫不成晚花作意出繁英鮮明獨向霜
露見爛漫卻隨蒿艾生南國騷人知有待西風蝴蝶
蝶更多情南山正在悠然處安得芳樽與細傾

五月十二日座主閑閑公諱日作

墓銘公已
老日以時

事爲憂雖食息頃不能忘每聞一事可便民一士可
擢用大則奏章小則爲當路者言殷勤鄭重不能自
已竟用是得疾以夏五月十有二日春秋七十有四
終于私第時軍國多故賻祭不及大夫士相弔閭里
細民亦知有邦國殄瘁之數越二
日權殯開陽門外二百步有待也

厝火誰能救已然直教憂疾送華顛贈官不暇如
平日草詔空傳似奉天故壘至今埋恨骨遺宗何

力起新阡門生白首渾無補陸氏莊荒又一年

草詔

唐陸贄傳贄草奉天所下制書雖武人悍卒無不感動流涕○案史趙秉文傳三月草天興改元詔里巷間皆

能傳誦洛陽人拜詔畢舉城痛哭其感人如此

四哀詩

李欽叔

史徒單兀典傳天興元年九月元帥完顏忽斜虎入陝州詔拜參知政事行尚書省事以

河中總帥府經歷官李獻能充左右司員外郎獻能字欽叔貞祐三年進士復立山寨安撫軍民十月忽

斜虎赴南陽以阿不罕奴十刺權參知政事時趙偉爲河解元帥屯金鷄堡軍務隸陝省行省月給糧以

贍其軍明年五月麥熟省札令偉計置兵食權罷月給十月偉軍食又盡屢白陝省云無糧可給偉私謂

其軍言我與李員外郎有隙坐視我軍饑餓不爲存恤十一月偉密遣總領王茂軍士三十人入陝州匿

菜園中凡三四日乘夜殺北城邏卒舉號召偉軍入百渡河入城劫殺阿不罕奴十刺李獻能提控蒲鮮

某總領來道安因誣奏奴十刺等欲反臣誅之矣朝廷知其冤而莫敢詰或謂偉軍餉不繼以劫掠自資

一日詣李獻能獻能斬之曰從宜破敵不易由是憾之乃乘奴十刺宴飲不設備選死士二十八人夜由

後河灘踰城而上取餅爐碎石擲屋瓦門扇爲箭鏃聲州人疑叛軍多不敢動遂開門納軍殺行省以下

官屬二十一人獻能最為所恨故被害尤酷○續夷
堅志康伯祿李欽叔壬辰冬十二月行部河中先城
未破一日康與欽叔求夢于神伯祿夢城墮爭破船
落水中為一錦衣美婦援之而去美婦援出滿眼皆
桃花欽叔夢人與桃符二上寫宜入新年長命富貴
明日城陷伯祿爭船不得上落水死李得船走陝縣
三四日改歲陝令楊正卿令人送桃符所書如夢中
所云○秋澗集過郊底邨聽田父話陝州事詩云阿
欽一死無由得坐對從渠說趙三○案夷堅云云欽
當死于癸巳正月與中州冀京父傳云欽歿于壬辰
之十一月不合
○已詳一卷

赤縣神州坐陸沈金湯非粟禍侵尋當官避事平
生耻視死如歸社稷心文采是人知子重交朋無
我與君深悲來不待山陽笛一憶同衾淚滿襟

金湯

文選王融策秀才文
金湯非粟而不守

同衾

案指孟
津時事

冀京父

中州集冀都事禹錫字京父龍山人崇慶二
年進士調沈丘簿與縣令者不相能及令以

賊敗疑京父發之乃賂遺權貴誣京父以賓客依託
之事坐廢十年朝臣薦其才者積數十人終為銓曹
所礙居襄邑部使者起之攝旁近諸縣所至有父母
之愛農司治許昌又為主事區處餽餉上下千餘里

不露聲迹而條畫次第皆具雖鱗雜米鹽若不足經
 意者問之卽應如指諸掌一時吏如康伯祿李欽止
 諸人多自以爲不及也正大中當路諸公極力辨其
 被誣乃得以常調守扶風丞召補省掾不就歸德奏
 充知事及城被攻京父爲經歷官守禦之策一府倚
 重之車駕至授左右司都事兼應奉翰林文字官奴
 之變家人勸京父羸服免禍不從人有自外至者京
 父問賊入禁中否曰禁中賊滿矣乃自投水中在京
 師時希顏仲澤欽叔京父相得甚歡升堂拜親有昆
 弟之義而不肖徒以文字之故得幸諸公間希長予
 六歲澤長四歲欽與京少予二歲希沒于正大辛卯
 之八月年四十八澤沒于明年之七月年四十七欽
 沒於其年十一月年四十一京沒於又明年之三月
 年四十二蓋不二三年而五人者惟不肖在耳今日
 錄諸君子詩感念平昔不覺流涕之被面也○歸潛
 志冀禹錫京父惠州龍山人幼聰敏絕倫年十九擢
 大興魁入太學有聲弱冠登高第時雷希顏宋飛卿
 皆爲同榜號爲得人京父入仕以能稱遇事風生老
 吏莫及初主沈邱簿以年少喜交游飲酒遂爲其令
 所乘坐再調考柘二城皆主簿又以治聞由前過終
 不得京官朝士屢薦之爲當途者所阻居間日與諸
 公宴游蒙昭雪得扶風丞因客睢陽爲行樞密院辟
 爲都事蒲察官奴之變與宰相李蹊同見殺年四十
 三○史石盞女魯歡傳正大九年二月守歸德時經
 歷冀禹錫及官屬王璧李琦傅瑜極力守禦城得不
 拔○官奴傳官奴亂都事冀禹錫赴水死歸德受兵